



Na osnovu člana 10. stav 1. tačka 14) Zakona o nacionalnim savetima nacionalnih manjina („Službeni glasnik RS“, broj 72/2009, 20/2014 - odluka US, 55/2014 i 47/2018), člana 14. stav 1. tačka 19. Statuta Bošnjačkog nacionalnog vijeća u Republici Srbiji (broj: 54-12/2018, od 8.12.2018. godine), člana 57. Poslovnika Bošnjačkog nacionalnog vijeća u Republici Srbiji (broj: 56-12/2018, od 8.12.2018. godine) i Odluke o proglašenju 11. jula za Dan sjećanja (broj:221-12/2005 od 10.07.2005. godine), Bošnjačko nacionalno vijeće u Republici Srbiji na sjednici održanoj 08. jula 2025. godine, usvaja

ZAKLJUČAK

- 1) Bošnjačko nacionalno vijeće u Republici Srbiji podsjeća da su Međunarodni sud pravde u Hagu i Međunarodni krivični tribunal za bivšu Jugoslaviju utvrdili da je u julu 1995. godine u Srebrenici planiran, pripremljen i izvršen genocid nad bošnjačkim narodom, u kojem je sistematski ubijeno više od 8.000 muškaraca i dječaka, dok su žene, djeca i stariji bili izloženi teškim zločinima i progonima.
- 2) Bošnjačko nacionalno vijeće naglašava da se ove godine navršava 30 godina od genocida nad Bošnjacima u Srebrenici, što predstavlja trenutak istine, sjećanja i odgovornosti kako za društva u regionu, tako i za cijelu međunarodnu zajednicu.
- 3) Bošnjačko nacionalno vijeće izražava saosjećanje i solidarnost sa porodicama žrtava genocida nad Bošnjacima u Srebrenici i nastaviti će da čuva sjećanje na žrtve genocida kao trajnu opomenu protiv zla i neljudskosti.
- 4) Bošnjačko nacionalno vijeće poziva Vladu Republike Srbije da pokrene inicijativu za usvajanje Zakona o lustraciji i izmjene i dopune zakona kojim bi se zabranilo i sankcionisalo negiranje genocida nad bošnjačkim narodom u Srebrenici, kao i veličanje i javno promovisanje osuđenih ratnih zločinaca.
- 5) Bošnjačko nacionalno vijeće traži da se u Republici Srbiji 11. juli proglasi za Dan sjećanja na genocid nad Bošnjacima u Srebrenici i da se na adekvatan način obilježava.
- 6) Bošnjačko nacionalno vijeće zahtijeva od nadležnih državnih organa da, putem obrazovno-odgojnog sistema Republike Srbije, razvijaju i integrišu programe i sadržaje kojima se afirmiše kultura sjećanja i koji će budućim generacijama prenijeti pouke iz genocida, ratnih zločina i zločina protiv čovječnosti, s ciljem sprečavanja njihovog ponavljanja i očuvanja univerzalnih vrijednosti slobode, ljudskih prava i dostojanstva.

- 7) Bošnjačko nacionalno vijeće smatra da je, nakon tri decenije, izuzetno važno da narodi na Balkanu grade zajedničku budućnost na temeljima utvrđenih činjenica i presuda međunarodnih sudova, u cilju očuvanja trajnog i pravednog mira.

U Novom Pazaru, 08.07.2025. godine
Broj: 288-09/2025

